

Cuncors per l Simposium „Sëra“
Proiet de mostra n cunlaurazion cun la lia EPL - Ert por i Ladins

Stimei artisć,

Son cuntënc de pudëi mëter a jì l Simposium d'ert „Sëra“.

Chëst'ann metons a jì n'edizion speziela dl simposium, davia che l ie urganisà n cunlaurazion cun la Lia EPL - Ert por i Ladins. L se trata de na mostra de n'ena cun carater de pruiet tla sënta dl Istitut Ladin Micurá de Rù a San Martin de Tor.

Cun l titul “Sëra” devënta mpurtanta la tematica dla sëira. La sëira, l mumënt dl di, te chël che l surëdl va bel plan do ju y ti dà nsci al mond na lum nteressanta, che desmostra na magia particulera. L ie n mumënt de calma, de riflesscion y creatività. Cun l fenomen dla “Enrosadira” nes pieta la sëira nce n liam ala Dolomites y al mond dla lijëndes.

Na lum ciauda, i culëures defrënc, l simbol dla fin y dla transizion y la usanzas cultureles ntëur ala sëira, chësc ti pieta a chi che fej ert na gran ispirazion per l'esprescion de emozions, tematiches y ideies te si opres.

l artisć che puderà fé pea à la puscibltà de mëter ora si opres tla sala mostra dla sënta prinzipela dl Istitut Ladin Micurá de Rù a San Martin de Tor. La giaurida dla mostra ie n sada, ai **07.09.2024** y la mostra va nchin ai **15.09.2024**.

Per la partezipazion prëibel scrì ora l [formular](#) nchin ai **30.06.2024**.

L fé pea ie debant.

De bie saluc,

L cunsëi dl Circolo - Lia Mostra d'Ert de Urtijëi

REGULAMËNT

Partecipazion

L possa fé pea artisc de duta la disciplines.

Na juria metuda adum da artisc y cumëmbri dl Circolo chirerà ora nchina a 8 partecipanc. La dezijion dla juria ne possa nia unì cuntesteda.

La lia ti dà a uni artist nchin a 300 € per curì la spëises.

I artisc se ncëria de urganisé nstësc l transport di lëures y de respeté la scadënzes.

Nce l tò ju dla mostra muessa unì seurantëut dai artisc, l ne daussa nia unì lascià n scich. L transport di partecipanc al simposium vën urganisà dal Circolo. I partecipanc dl Simposium ie a una che si lëures sarà metui ora tla sales dl Istitut Ladin Micurá de Rù ntan duta l'ëures de giarida dla mostra, y che duta doi lies (EPL y Circolo) giapa l dërt de fé fotografies per fin de retlam y de documentazion.

Fé dumanda per fé pea

Per fé dumanda muessen scrì ora dut l formular da [chësc link](#).

Documënc che va de bujën:

- Portfolio cun operes fates da permò
- Curriculum Vitae curt
- Scrit de mutivazion. N valguna dumandes, che pudëis respuender, pudëssa vester: *Percie ie pa l proiet nteressant per mé persunalmënter? Ciuna ideies me toma pa ite da chësta tematica? Ciuna opres possi pa fé tl lëuratuere? Prejentazions de proiec ie ënghe bënunides, ma ne va nia de bujën.*

Criteres de selezion

I pruiet unirà valutei n cont a chisc ponc:

1. Completëza dla documentazion
2. Portfolio
3. Mutivazion
4. Mprescion generela

Terminns

30.06.24 Ultim di per mandé ite la dumandes (l unirà fat al savèi dla selezion di artisć n doi enes do)

31.08.24 - 06.09.24 Simposium

07.09.24 Giaurida


08.09.24 - 15.09.24 Mostra

Cuatier

L Circolo y l EPL met a despusizion per i artisć, che lëura ntan la dureda dl simposium tl lëuratuere dl Istitut Ladin Micurá de Rù, n cuatier debant. L se trata de n cuatier de 90m² cun doi banies. L ne ie nia majons singules.

Assicurazion & Privacy

I organisadëures ne se tol ntan duta la manifestazion nia su la respunsablità per danns da pert di artisć a sé nstësc, a cosses o a terzi. I partezipanc ie respunsabli dl'assicurazion. Cun l'iscrizion autorisea i partezipanc l tratamënt di dati persunei aldò dla normes talianes che ie n droa ai organisadëures.



Circolo - Lia Mostra d'Art de Urtijëi
Plaza S. Antone 102
I - 39046 Urtijëi (BZ)
Tel. +39 377-5936350
info@circolo.eu

Njonta, fotografies



Mostra



Lëuratuere

